

Jamböl in Leta in Kein Kamool

Emoj print ae ilo beba in leta eo an taktö eo

(Baat I)

Raan:

Ñan Jabdewöt eo Ejelöte/Jikin eo ej Lelok Imön Jokwe:

Na _____ Name _____'s _____jj juon [koonjelor, nöj, taktö, juon rijerbal ewör an kabel in lelok kōmadmōd in jibañ, taktö in kakōlkōl im kōmadmōd nañinmij in kōmelij, ak bar juon] jen _____.

Emoj aō jelā ke kakien eo an Ejellok Kalijeklok ilo Imön Jokwe (Fair Housing Act) im Jikin 504 (Section 504) in Kakien eo ikijen Kōkman-manlok Mour (Rehabilitation Act) ej kōmelele utamwe einwöt:

1. Juon utamwe in enbwin ak kōmelij elab an kadik joñan juon ak lablok makūtkūt ko relab ilo mour eo an armij eo, im/ak
2. Ewor rekoot kin an wor utamwe in enbwin ak kōmelij elab an kadik joñan juon ak lablok makūtkūt ko relab ilo mour eo an armij eo im/ak
3. Emoj loe ke ewor utamwe in enbwin ak kōmelij im elab an kadik joñan juon ak lablok makūtkūt ko relab ilo mour eo an armij eo .

Makūtkūt ko relab an mour ekoba, bōtab ejab jemlok wot kin: an armij eo lale emake, kōmman jermal ko ilo an kōjermal enbwinin, etetal, lolak ijen, roñjak, kenono, emenono, katak, im/ak jermal.

Ij kamool ke Name ewör an utamwe im edeloñ ilo kōmelelele in kakien in.

(Baat II)

Ewör an _____Name _____ utamwe ko rej AIKUJ _____*_____. Aikuj bwe ren lelok ñan _____ Name _____*_____ ilo ien eo emōkaj tata bwe utamwe ko an _____Name _____renjab lablok aer jorren im/ak wonmaanlok in nana lok.

Ilo kautiej,

Taktö, Juon rijerbal ewör an kabel in lelok kōmadmōd in jibañ, Rijerbal in social work, im taktö in kakōlkōl im kōmadmōd naniñmij in kōmelij, Juon eo kabok jibañ im lelok katak bwe ro ewör aer utamwe ren jelā jokwe ibbeir make, ak bar juon.

Melele in Kebaak ko an Taktö in Ejmour eo

*Waanjoñok in **RA** ko:

juon jejetin jikin baak wa, jermal in kaitoklok an jokwe mweo 30-60 raan, mennin mour ej lelok jibañ, ejellok kaje ilo an kōbōjrak bujen eo, jañij ak emakūtjen jikin jokwe eo, lelok reen ilo mael, ak bar juon.

*Waanjoñok in **RM** ko:

kōlaak kein dābdeb ak rām, jañiji kein kōbellok kajem ko redoulul ñan kein kōbellok ko eoon wöt juon, kōkadulok raan tebol ko, kaddebak-bak kajem ko, kōlaak kein deloñ im diwōj ej eoon wöt juon iloan imōn tutu, im men ko jet.



Won eo emōj kōmelele einwöt “Armij ewör an Utamwe”?

Iomwin Kakien eo an Ejellok Kalijeklok ilo Imön Jokwe (Fair Housing Act), juon utamwe emōj kōmelele ej:

- Juon utamwe in enbwin ak kōmelij elab an kadik joñan juon ak lablok makūtkūt
- ko relab an mour|juon rekoot kin utamwe eo, ak ,
- Emōj likūt ewör juon an utamwe.

Iomwin RCW 49.60, Kakien eo an State eo an Washington ej kamo Kalijeklok, (WLAD), emōj kōmelele utamwe ñan an koba jorren ko an jidik ien ak ñan indeo, rekkā ak rejab, kauwōtata ak ejab.

Elañe ewör am lomnak emōj aer lewaj kalijeklok ilo juon kōmadmōd in imōn jokwe, kebaak:

Northwest Fair Housing Alliance
25 W Main Ave., Suite 250
Spokane, WA 99201
509-325-2665
1-800-200- FAIR (3247)
Fax: 1-866-6308


NWFHA emaron lewaj rōjañ kin men ko kwōmaron kōmmani im emaron jibañ kwe. Ejellok wonnen jibañ ko amim. Ebidodo am maron deloñe obje eo amim.



*Jermal eo ear letok bedbedin beba in ear itok möttan jibañ jen jāān iomwin juon jibañ ibben Ra eo ej bōk eddon kōlablok imōn jokwe im jikin ko relab an Amedka (U.S. Department of Housing and Urban Development, HUD). Ej an wöt NWFHA eddo eo bwe en jejet naan im kōmelele ko emōj likūt iloan beba in.
Kajin Majol -4/2018—Marshallese*

Kakien eo an Ejellok Kalijeklok ilo Imön Jokwe an Federal (Federal Fair Housing Act)

Kōmman oktak ko ñan an armij maron bōk kwōnaer im Kōmman oktak ko ilo imōn jokwe



Melele in kajinet ñan ro rej jokwe
im ewor aer utamwe



NORTHWEST FAIR
HOUSING ALLIANCE


(509) 325-2665
1-800-200-FAIR (3247)
www.nwfairhouse.org

Kōmman oktak ko ñan an armij ro maron bōk kwōnaer

Juon oktak emōj kōmmane ñan an armij maron bōk kwōnaer (RA) ej juon oktak, kōmelim in jab aikuj, ak jañij ñan juon laajrak, kakien, kōmadmōd, ak jibañ ej kōmelim an armij eo ewōr an utamwe maron kōjērbal im ainemmon ilo imōn jokwe, ekoba jikin ko an kien im jikin ko elab an armij kōjērbali.

Waanjonok ko:

- Lelok beba in reen ko ilo wāween ko jet(jeje ko relab ak jeje ko an ribilo (Braille))
- Lelok jikin baak wa emoj kōjenolok iturin imōn jokwe eo
- Kōmelim juon mennin mour ej lelok jibañ ilo mweo emōj kalikar “ejellok mennin mour”
- Jañij ñan juon imōn jokwe oktak ak kōtlok am kamōj bujen eo ilo an ejellok kaje
- Kōmman bwe en einwot juon raan eo aikuj kolla reen ibben raan eo enaj bōke kolla in utamwe
- Kajitok an aitoklok ien an reen ilo jemlokin bujen in reen eo



Won eo ej kollaiki?

Kōmman oktak ko ñan an armij ro maron bōk kwōnaer:

Rej lelok RA ko ilo an ejellok wonnen ñan armij eo ej jokwe.

Ebañ wōr wonnen ko relablok ak muri ñan jāān ko emoj lelok maan ñan armij eo ej kajitoke juon RA. Jabdewot kajitok aikuj “ekkar” im ejab lelok abañ in jāān ak jērbal ñan jikin eo ej lelok imōn jokwe.

Kōmman oktak ñan em im jikin ko emōj kōkkal bwe armij ren maron deloñ im diwōj:

Ekkā an armij ro rej jokwe kolla wonnen mweo, ijellokun ñe rej jokwe ilo moko kien eo an federal ej jibañ kollaiki.

Remaron kajitok bwe armij ro rej jokwe ren:

- Ilo ien am diwōjlok, kwōnaj karool mweo im jikin eo ñan jekjek eo jinointata ilo ien am kar bōke im/ak
- Errā in kolla lok ñan juon akkoun ej mour jen orlok in kolla, iomwin juon ien emmon joñan, kin juon joñan jāān ebañ lablok jen wonnen kōmmane jorren ko. Ñan an ejellok boktak ak jamelele—Bōk juon bujen ilo jeje!

KEMEMEJ: Einwōt ilo elōñ ien armij ro rej reen, jabdewot jorren ear kōmman jen ibben armij eo ej reen ak rilotok ro aer/ mennin mour ko nejeir im relablok jen jorren ko ekkā aer jorren iomwin joñan ien, remaron muri lok ñan armij eo ej reen.



MELELE IN JIBAÑ: Jet obij ko rej jibañ armij ak imōn jar ko remaron jibañ kollaiki wonnen eo.

Kūrlok 211 ñan juon laajrakin doulul im jikin ko rej lelok jibañ ilo bukun eo am.

Waanjonok ko:

- Kōlaak kein dābdeb ko iloan juon imōn kaboajak
- Likūt juon rām im kein ejōb ko ñan kōmman bwe en bidodo deloñe jikin deloñ eo
- Kaadebakkab kajem ñan juon wīljear
- Kōkadulok kabōt ko ñan joñan aitok eo remaron tōbare
- Kōmman oktak ilo jikin etetal ñan an bidodo deloñe ijo an kien ak jikin elab kōjērbale



Ilo ien Kajitoke juon RA/RM

- Juon armij ewōr an utamwe , ak armij eo ej binej jenkwān armij eo (*juon mōttan, nukkun, doulul in jibañ, ak juon bar ribinej jenkwān*) emaron kōmmane kajitok eo. Ejellok jejetin juon beba ak wāween aikuj kōjērbale ñan kajitok ko.
- Kajitok ko remaron bar kōmman ilo kenono. ***Elukkun lab rōjañ bwe kajitok ko ren kōmman ilo jeje.*** Likūt juon kabe in RA eo emōj kajitoke ñan rekoot ko am.
- Kajitok eo ejab aikuj kowalok wāween ak joñan kauwōtata in utamwe eo an armij eo.
- Ñan juon jibañ ak oktak ej aikuj kowalok ke ewōr juon aikuj ej kaju ikijen utamwe eo an armij eo
- Remaron kajitok bwe rikajitok eo en lelok juon ***leta in kamool*** jen takto ak jen juon pade kein kajilu ewōr lōke kake im ejelā kin utamwe eo an armij eo (lale waanjonok eo itulikin beba in),
- Utamwe ko raalikar im jej loi **rejab** aikuj kein kamool kin utamwe eo—bōtab remaron aikuj kein kamool kin aikuj eo ikijen utamwe eo
- Juon kajitok in RA/RM emaron kōmman jabdewot ien ilo ien an armij eo jokwe (ablukajon lok ñan ien eo reñaj kadiwōje).
- Ejellok joñan RA / RM ko juon armij emaron kajitoke.